



Thirrje për aplikim

Tregu i Fundvitit 2022/23

“Tregu i Fundvitit” është aktivitet i ideuar dhe organizuar nga Komuna e Prishtinës (Kryeqyteti) për të festuar së bashku festat e fundvitit në hapësirë publike me muzikë, ushqim, pije, suvenire dhe aktivitete argëtimi.

Ky treg këtë fundvit do të organizohet për 26 ditë kalendarike, brenda periudhës 13 dhjetor 2022 ora 20:00 dhe 8 janar 2023 ora 24:00, si dhe do të përqëndrohet në hapësirën publike përgjatë rrugës Xhorxh Bush, nga kryqëzimi me Rr. Bill Clinton e deri tek kryqëzimi me Rr. Garibaldi. Tregu do të përbëhet nga 1 skenë për performancë, 40 shtëpiza të drurit dhe hapësira jashtë shtëpizave të paracaktuara në destinim dhe pozicion.

Përmes kësaj thirrje ftojmë të gjitha bizneset dhe OJQ-të e regjistruara që të aplikojnë për të ofruar shërbimet e tyre sipas kategorive të përcaktuara në vijim, brenda shtëpizave apo jashtë tyre, brenda 26 ditëve të tregut.

Kategoritë

Secili biznes/OJQ duhet të zgjedhë vetëm një (1) nga katër (4) kategoritë e mëposhtme gjatë aplikimit në formën e paracaktuar.

- (1) Kategoria A: ushqim dhe pije jo-alkoolike - për shërbim brenda shtëpizës
- (2) Kategoria B: ushqim i nxehtë (grill) dhe pije jo-alkoolike - për shërbim jashtë shtëpizës
- (3) Kategoria C: pije alkoolike - për shërbim brenda shtëpizës
- (4) Kategoria D: suvenire – për shitje brenda shtëpizës

Orari i Punës

Hapja e tregut do të bëhet me datë 13 dhjetor 2022 në ora 20:00 dhe do të mbyllet me datë 8 janar 2023 në ora 24:00. Gjatë këtyre ditëve bizneset dhe OJQ-të e përzgjedhura lejohen të punojnë çdo ditë, nga e hëna në të dielën, duke filluar prej orës 10:00 deri në orën 24:00. Përjashtim janë datat 24 dhjetor, 31 dhjetor dhe 1 janar ku mund të shërbehet deri në orën 03:00.

Kursimi i energjisë elektrike

Me qëllim të kursimit të energjisë elektrike, secili biznes/OJQ obligohet që në vend të energjisë elektrike të përdorë gazin (plin) si burim i energjisë për përgatitjen e ushqimit/pijeve.

Tarifat

Tarifat për shfrytëzimin e hapësirës publike në treg, qoftë në shtëpiza ose jashtë tyre, janë të përcaktuara sipas kategorive (A-E) varësisht nga hapësira e dhënë në shfrytëzim, energjia elektrike e parashikuar për t'u shpenzuar dhe administrimi/logjistika. Me pagesën e tarifës me nëshkrimin e kontratës mjetet nuk kthehen.

- (1) Kategoria A: 400 euro

- (2) Kategoria B: 450 euro
- (3) Kategoria C: 750 euro
- (4) Kategoria D: 300 euro

Obligimet

Secili biznes/OJQ që merr lejen e ofrimit të shërbimeve/produkteve në tregun e fundvitit ka këto obligime:

- (1) Të bëjë pagesën e tarifës sipas kategorisë me nënshkrimin e kontratës;
- (2) Të respektojë orarin e përcaktuar të punës;
- (3) Të vendosë në vend të dukshëm çmimoren e shërbimeve/produkte;
- (4) Të sjell me vete mjetet e punës, përfshirë grillin dhe mbulesën për shërbim (kategoria B);
- (5) Të sigurojë hapësirën dhe mjetet e punës kundër dëmtimit/vjedhjes;
- (6) Të sigurohet që ka kontejner për mbledhjen e mbeturinave, i heqë mbeturinat dhe mban hapësirën përreth gjithmonë pastër;
- (7) Të mos shfrytëzojë hapësirën për kryerjen e veprave të jashtëligjshme;
- (8) Të mos shërbejë/shes produkte jashtë kategorisë për të cilën ka marrë lejen;
- (9) Të mos e jep në shfrytëzim hapësirën palëve të treta;
- (10) Të kthejë shtëpizën/hapësirën në gjendjen e mëparshme me mbylljen e tregut dhe merr përgjegjësinë për demet demet eventuale.
- (11) Ndalohet ndotja akustike brenda/jashtë shtëpizave.

Kriteret e aplikimit

Bizneset dhe OJQ-të që shprehin interesim për t' u bërë pjesë e tregut duhet të plotësojnë këto kritere:

- (1) Të dëshmojnë se janë të regjistruara në ARBK ose në regjistrin e OJQ-ve, për të ofruar shërbimet/ produktet me të cilat aplikojnë, me çertifikatë (më shumë se 3 vite);
- (2) Të jenë të regjistruara me funksionim në Prishtinë;
- (3) Të dëshmojnë se nuk kanë borxh në ATK me çertifikatë jo më të vjetër se një (1) muaj;
- (4) Të dëshmojnë me katalog/foto se kanë ofruar shërbime/ produkte të tilla më herët;
- (5) Në rast se aplikuesi është pronar i njëjtë apo bashkepronar i dy apo më shumë Bizneseve/OJQ-ve dhe në rast se fiton më shumë se 1 shtëpizë nëpërmjet shortit, përfituesi duhet të zgjedhë vetëm një 1 shtëpizë.
- (6) Të nënshkruajnë dhe vulosin formën “Deklarata për shërbim” që garanton saktësinë e informatave të ndara dhe gadishmërinë e biznesit/OJQ-së të ofrojë shërbimin për 26 ditë pa ndërprerje.

Procesi i aplikimit

Pjesë e kësaj thirrje janë forma e aplikimit dhe forma “Deklarata për shërbim”. Të dyja duhet të plotësohen sipas shablloneve dhe bashkë me dokumentet e kërkuara përcjellëse tek kriteret e aplikimit të dorëzohen **në formë elektronike** me e-mail në **komunaprishtine@rks-gov.net** deri më **datën 6 dhjetor ora 16:00**.

Procesi i përzgjedhjes

Pas mbylljes së afatit të aplikimit bëhet vlerësimi i bizneseve dhe OJQ-ve sipas kriterëve të përcaktuara nga një komision i krijuar nga Komuna e Prishtinës (Kryeqyteti) dhe publikohet lista me të para-kualifikuar. Bizneset dhe OJQ-të e para-kualifikuara do të përzgjedhen për hapësirë/shtëpizë dhe pozicion me **short** në një takim publik për secilën kategori ndaras, jo më larg se **10 dhjetor ora 18:00**.

Procesi i ankesës

Me shpalljen e listës së bizneseve/OJQ-ve të para-kualifikuara, aplikuesit mund të dorëzojnë ankesë për mos kualifikim me e-mail në **komunaprishtine@rks-gov.net** në afatin e përcaktuar në listen e shpallur.